



UNIVERSITÄTS-  
BIBLIOTHEK  
PADERBORN

# **Conceptvs Chronographicvs De Concepta Sacra Deipara**

**Zoller, Joseph**

**Augustæ, Anno 1712**

LI. Non enim pro te, sed pro omnibus hæc Lex constituta est. Esther. c. 15.  
v. 13.

---

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)

ac Machinalis scientiæ consultissimus, fiderumque præterea scrutator celeberrimus, mirificis laudibus non tantum à Livio, Plinio, & Plutarcho celebratur, verum etiam maximum totius orbis applausum sibi promeruit, ita quidem, ut cum rem aliquam mirâ arte compositam, ac summo studio elaboratam significare volumus, vulgari hodieum proverbio dicere solemus: *Archimedes non posset melius describere.* Involvo hinc silentio complura ejus artis miracula penitus stupenda, unum adducens viri desiderium, quo non nisi punctum exigebat unicum extra mundum, si fieri id posset, indubitanter affirmans: dato hoc uno puncto, totum sese orbem facillimo negotio commoturum.

Transseat tanta Archimedis ab uno puncto fortitudo. **MARIÆ** interim soli hæc prærogativa absolute concedenda, quæ in unico purissimæ suæ Conceptionis puncto, velut tota extra reliquum mundum posita, adeo commovit Cælum, & **DEUM** Cælorum, ut postmodum commotâ mirabiliter terrâ, ipsi sese Cæli profun-

dum inclinaverint, Regio Prophetâ id attestante, his verbis: *Commota est, & contremuit terra, fundamenta montium conturbata sunt, & commota sunt.* Psal. 17. v. 8. tunc scilicet, quando Virgo hæc purissima ab Angelo salutata, *turbata est in sermone ejus.* Et quid ex tali Virginis commotione secutum? nil aliud, nisi quod in eodem Psalmo nobis David insinuat: *Inclinavit Cælos, & descendit, v. 10.* ipse scilicet Unigenitus **DEI** filius, Divinitati humanitatem confocians, sicque Cælos quasi ad terram detrahens, ac inclinans, descendit in uterum Virginis immaculatæ, Archimedis instar ab uno puncto fortis, quia in puncto jam illo purissimæ, ac sine omnî labe Conceptæ.

### §. 7. Anagramma.

ConCepta, In prImo Instanti, 350  
InVIa præDonI.

*Age casta, altum Mare, invium prædomi!*

Versio litteralis.

*Ave Maria, gratiâ plena, Dominus tecum.*



## De Conceptâ Sacrâ Deiparâ.

### CONCEPTUS LI.

#### §. I. Scriptura.

351. HÆC non pro te, sed pro  
oMnIbVs Con-  
stitVta.

*Esther c. 15. v. 13. Non enim pro te, sed pro omnibus hæc Lex constituta est.*

**C**Um ingrederetur in Aulam Regiam Esther Regina, eo ipso tempore, quo Lex instabat, quâ, ex mandato Regis, omnis ille absque cunctatione interficiendus erat, quisquis non vocatus ab eo, sive vir, sive mulier, in atrium inte-

rius Regis introire præsumeret, conspiciens eam Assuerus, sermone blando, vultuque hilarâ sic trepidantem alloquebatur: *Quid habes Esther? Ego sum frater tuus, noli metuere! non morieris: non enim pro te, sed pro omnibus hæc Lex constituta est. Accede igitur, & tange Sceptrum!*

Estherem porro illam, pulchritudinis, ac suum in populum fidei, & patrocini miraculum, umbram **MARIÆ** fuisse, quis dubitet? Liceat ergo Sanctissimam Trinitatem Virgini huic jamjam concipiendæ parâ modo loquentem in medium producere:

*Quid*

Quid habes MARIA? Ego Cœlestis Pater, speciali quodam modo, tuum quoque me Patrem profiteor: Ego coæternus Patri Filius, tuus quoque Filius in tempore fieri ardentem desidero: Ego Spiritus Sanctus Sponsam te mihi dilectissimam jam ab æterno ex millibus elegi. *Noli ergo metueret non morieris.* Seduxit quidem mulierem primam, tuam, & omnium matrem, mendacissimus serpens, per verba illa: *Nequaquam morte moriemini*, quæ vel ideò peccato consentiens, unâ cum Adamo, & posteris, mortem comedit, juxta Legem illam à me constitutam: *De ligno autem scientiæ boni, & mali ne comedas; in quocunque enim die comederis ex eo, morte morieris.* Veruntamen Ego æterna, ac inviolabilis Veritas, dico tibi iterum: *Non morieris: Non enim pro Te, Anima pura, ac immaculata! sed pro omnibus* (in Adamo scilicet peccatoribus) *hæc lex constituta est.* nec opprimet Te infamis Aman, qui à Gregorio Nazianzeno *Spiritus impuri supplementum* dicitur. Et sanè hanc legem non esse pro Deiparâ constitutam, clarè constat ex Concilio Tridentino, cum ait: *Declarat tamen hæc ipsa Sancta Synodus, non esse sue intentionis, comprehendere in hoc Decreto, ubi de originali peccato agitur, Beatam & immaculatam Virginem MARIAM, DEI Genitricem.* Verum enimverò si mirum fortasè alicui videatur, solam hanc Cœli Reginam, à communi illâ peccati lege exemptam, Juristas, si lubet, consulat, ac investiget, num Imperatrix quoque, vel Regina ad Legem teneatur? Respondebunt certè illi, ex L. *Princeps* 31. ff. de Legibus: *Princeps legibus subditus non est: Augusta autem, etsi sit subdita, tamen Princeps eadem privilegia illi tribuit, quæ ipse habet.* Quis ergo negabit, privilegium JESU, dulcissimi MARIÆ Filij, ab originali culpâ per naturam exempti, pulcherrimæ quoque Esther, Reginæ formosissimæ, ac Matri suæ dilectissimæ ab ipso gratiosissimè communicatum? Fuit nimirum tunc MARIA vera Esther, induta Regali-

bus vestimentis, quæ alia non fuerunt, quàm gratia abundans, charitas eximia, Virtutes Heroicæ, & Spiritus Sancti dona, &c. Quòd si sceptrum Assueri, in gratiæ confirmationem, Esther tetigit, Crucem Filij, ex se nascituri, tetigit MARIA, quæ præservationis causa fuit. Legimus præterea, festinum exsilivisse de folio Assuerum, sustentantem eam (Estherem) ulnis suis. Et quid aliud de MARIA cogitandum, nisi quòd DEUS, videns eam infallibiliter casuram in originale peccatum, nisi specialiter juvaretur, festinus cucurrerit, gratiâ suâ justificante, ex vi passionis CHRISTI prævisæ, sustentans eam, ne caderet. Quòd si pro munere assignatam scimus ab Assuero Esther Reginæ *dimidiam partem Regni*, dico ego, & DEUM MARIAM mediâ parte Regni sui donatam excepisse, mox, atque illa Concepta fuit. Sed qualis hæc pars Regni dimidia fuerit, scire desideratis? Audite. Regnum DEI consistit in Misericordiâ, & justitiâ, iuxta illud Psalmistæ: *Misericors Dominus, & justus*, & alibi: *Misericordiam, & judicium cantabo tibi Domine.* Justitiam ergò tanquam unam Regni partem, sibi reservare Rex Cœlorum voluit, Misericordiam tanquam alteram partem felicissimæ Estheri, conceptæ Deiparæ assignavit. Ad hanc igitur Reginam Beatissimam, Filij Divini Genitricem, à peccati morte ex speciali privilegio liberam, misericordiæ hæredem, ejusdemque in nos dispensatricem, omnes ac singuli recurramus! sicut enim Hebræa illa Esther non se tantum, verum etiam totam suam gentem, id est, omnes reliquos Hebræos, morti jamjam addictos, à dirâ hæc communis internecionis sententiâ, validissimo precum suarum interventu liberavit, utpote Regem hiscè verbis supplex allocuta: *Si inveni gratiam in oculis tuis O Rex! & si tibi placet, dona mihi animam meam, pro qua rogo, & populum meum, pro quo obsecro. Traditi enim sumus, ego, & populus meus, ut conteramur, jugulemur,*

Gen. 3.  
v. 4.

Gen. 2.  
v. 17.

Orat. 1.

Sess. 1.  
decr. de  
peccat.  
Orig.

v. 11.  
seq.

v. 11.

c. 7. v. 2.

Psal. 114.  
v. 5.  
Psal. 100.  
v. 1.

c. 7. v. 3.

& pereamus, &c. quâ proinde mediatrice omnes sospites evaserunt; sic MARIA, Mater gratiæ, Mater misericordiæ, damna toti humano generi imminētia omnî modo studens avertere, velut illustrior Esther, Cælorum Regem in nos iratum frequenter precibus demulcet, imò rigorem ejus in tantam convertere solet clementiam, ut plurimi jam diabolo miserimè obstricti, non temporalis modò, sed æternæ mortis milliès rei, libertati donentur, Cœlisque adscribanrur.

### §. 2. *Authoritas.*

#### 352. HesIJChIVs, MILItans pro Deiparâ sine Labe.

1. *MARIA est præclarum nostræ naturæ ornamentum, gloria luti nostri, quæ Evam pudore, Adamum comminatione liberavit, audaciam dæmonis contrivit, quam concupiscentiæ fumus non attigit, nec vermis voluptatis læsit.* Conc. 2. de B. V. Tom. 7. Bibliot. Sanc.
2. *Vides, quanta & qualis est Deiparæ Virginis dignitas, Unigenitus enim Dei Filius, mundi conditor, velut infans gestabatur ab eâ, & Adamum reformabat, Evamque Sanctificabat, excludebat draconem, & Paradisum aperiebat.* Hom. 2. de Deip.
3. *Vocavit te hortum conclusum, & fontem signatum is, qui ex te ortus est sponsum. Hortum conclusum, ob id, quòd falx corruptionis, aut vindemia non te attigit: Florem autem, qui ex radice Jesse, hominum generi purè exhibetur, excultum tibi à puro, & intemerato Spiritu.* Serm. 2. de laud. Virg.

### §. 3. *Ratio.*

#### 353. Virgo ILLibata, oMnIs DEI bonI partI Ceps.

**V**irgo illibata debuit esse particeps omnî DEI boni: sed inter præcipua DEI bona est, esse immunem à peccato, & sanctum: Ergo Virgo illibata debuit esse immunis à peccato, & sancta. Maj. prob. DEUS necessa-

riò amat se amore infinito: Ergo necessario vult omnia conducentia ad sui glorificationem. Atqui maximè ad DEI glorificationem conducit, suam Matrem esse participem omnîs boni Divini. Ergo hoc necessario vult. 1.<sup>ma</sup> Conseq. Prob. Amare nil aliud est, quàm velle bonum, ergo quò magis quis se amat, eò plura bona vult ad suam utilitatem, & glorificationem. Ergo cum DEUS se amet necessario amore infinito, debet necessario velle sibi omne bonum conducens ad sui glorificationem. Confirm. Creatura, quæ plura possèt facere in obsequium DEI, si non faceret, minùs censeretur diligere DEUM. Ergo etiam DEUS minùs censeretur diligere se ipsum, si non faceret omnia ad sui glorificationem. Atqui suam Matrem præservare à peccato, sicque etiam hujus boni eam reddere participem omninò potest. Ergo si hoc non faceret, eam præservando, minùs censeretur diligere seipsum.

### §. 4. *Historia.*

#### MeDItantI, & orantI, speCta- 354 BILLs Virgo sine Labe.

**D**E Monialî quâdam devotissimâ referunt, quòd, dum illa, tempore Bonifacij VIII. Summi Pontificis, ejusdemque Regiminis Anno tertio, Orationi aliquando ac meditationi, de Sacro Marianæ Conceptionis, & præservationis mysterio, solito diutiùs intenta persisteret, in extasin rapta, sequentem habere visionem meruerit: Vidit namque ipsam Beatissimam Virginem, magno splendore circumfusam, quam etiam hæc sibi loquentem audivit: *Scias Filia, & firmiter credas, quòd meæ immaculatæ Conceptioni, & sanctificationi intersuerint tria Millia Cherubimorum, unâ voce canentium, ac dicentium: Mater Domini est MARIA, & tabernaculum Trinitatis.* cumque plura alia Religiosæ huic Virgini Virginum Virgo maternè revelasset, tandem sermoni hiscè verbis finem impon-

posuit: *Certa esto de eo, quod dixi tibi, & prædica, hoc esse verum sub Sacramento.* Et certè fecit devota Monialis, ut jusserat Virgo, habitamque visionem, ac ab ipsâ Dei Genitrice instructionem palam enarrando, magnam in auscultantium cordibus devotionem, ergâ Sacram MARIE Conceptionem excitavit. *Bernardin. de Busti Serm. 8. de Concepr.*

§. 5. *Symbolum.*

355. AqVILa à DEO Coronata, fVL-  
Men Ignorans.

Symbol.  
Henrici  
V. Regis  
Angliæ.



Fulmina nulla nocent Aquilæ, viridisque corona.  
Quam gerit ex quercu, non timet arma Jovis.  
Accipit à Genito Virgo sine labe coronam;  
Non timet hinc maculam, Fulmina nulla timet.  
*Ne timeas, quia ego tecum sum. Isaïæ c. 41. v. 10.*

§. 6. *Antiquitas.*

356. sCIJthæ, fVglentes faCIeM  
regis DarII.

**B**ellum aliquando Rex Darius Scythis indixerat; cum illi oppida mox sua deferentes, ad interiora terræ suæ tantò se celerius recipiebant, quantò magis illum, cum ingentî ar-

matorum manu, appropinquare intelligebant. quibus potentissimus Persarum Rex hæc nuntiabat: *Quousque tandem, Scythæ infelices! fugere destinatis?* cui renuntiârunt illi: *Usque ad sepulchra parentum.* quasi dicerent: domos nostras, & Civitates, parvi, imò nihili facimus: tolle eas tibi, pro ut lubet; pluris enim vitam nostram, quàm domos æstimamus; at si ad tumulos parentum nostrorum appropinquaveris, ut aliquam in eorum exuviis indecentiam committas, noveris, nos ibi expectaturos, nec latum unguem inde discessuros, sed ad mortem usque decertando, parentum nostrorum, quamvis mortuorum, gloriam defensuros. Tanta nimirum cura populi hujus, de gloriâ Parentum, fuerat, ut eam propriâ redimere vitâ non dubitârint.

Cæterum, si tam magni fecerunt barbari illi homines (in quibus vix scintilla juris remansit naturalis) Progenitorum suorum, quamvis jam pridem extinctorum gloriam, quid de Christo sentiemus? an non dicemus, eum pro electæ suæ Matris, in gloriâ aliquando Cœlesti excellentissimè cum ipso regnaturæ, honore, ac gloriâ, longè plura effecisse? quid autem obsecro, indecorum magis, ac indecentius Darius facere potuisset, contra illa fatentia mortuorum ossa, quàm quod indecorum esset, ac indecens in MARIA, conceptam aliquando in labe fuisse? dicendum eâ propter, Filium mortem potius milliès oppetiturum fuisse, quàm MARIAM præservando non defendisse.

§. 7. *Anagramma.*

DIVa, seMper LIBera, 357.  
aC tVta à Labe.

*Diva Regina, semper tuta, à maculâ omnî!*

Versio litteralis

*Ave Maria, gratiâ plena, Dominus tecum.*

De

✶ A